

## Cov Ntshiab Lus Qhia Txog Qhov Kev Pom Zoo Tso Cai

Qhov kev pom zoo tso cai (Affirmative consent) yog qhov uas yus yeej paub, txaus siab kam, thiab koom txiav txim siab nrog rau txhua txhua tus neeg los mus muaj kev sib daj sib deev. Koj yeej muaj cuab kav siv tej lus los yog tej yam koj ua los mus ua qhov kev tso cai pom zoo no, yog hais tias koj cov lus los sis tej yam uas koj ua ntawd yog ib qho kev pom zoo tso cai meej meej hais tias koj yeej kam nrog tus neeg los sis cov neeg ntawd sib daj sib deev. Qhov uas koj ua twj ywm tsis hais ib lo lus li los sis qhov uas koj tsis nti tsis qw ntawd mas ua tsis tau ib qho kev pom zoo tso cai. Qhov ntsiab lus hais tias dab tsi thiaj yog qhov kev pom zoo tso cai no mas zoo tib yam nkaus xwb, tsis muaj qhov txawv hlo li, tsis hais tus neeg muaj feem koom ntawd yuav yog ib tug poj niam los txiv neej, nyiam pom niam los nyiam txiv neej, nws yuav hais tias nws yog poj niam los yog tus txiv neej, los yog lwm yam nws ua uas yuav qhia tau hais tias nws yog poj niam los txiv neej li.

Qhov uas ib tug neeg tau pom zoo tso cai rau ib qho kev sib daj sib deev los sis qhov uas nws tau pom zoo tso cai rau ib qho kev sib daj sib deev yav tag los nrog it tug neeg twg ntawd mas tsis tau txhais hais tias nws yeej pom zoo tso cai rau lwm qhov kev sib daj siv deev.

Yus yuav tsum tau txais qhov kev pom zoo tso cai no mas yus thiaj li yuav nrog ib tug neeg twg sib daj sib deev tau, txawm hais tias tus neeg ntawd yuav qaug yeeb qaug tshuaj thiab/los sis qaug cawv lawm los xij.

Txawm hais tias ib tug neeg twg twb yeej kam pom zoo tso cai ua ntej ntawd lawm los nws yeej muaj cuab kav muab nws qhov kev pom zoo tso cai ntawd tshem tawm thaum twg los tau tib si.

Ib tug neeg twg yuav tsis muaj cuab kav muab qhov kev pom zoo tso cai no rau leej twg li yog hais tias nws twb tsis meej pem los sis feeb tsis meej lawm, xws li thaum uas tus neeg ntawd tsis muaj cuab kav yuav paub meej thiab kam koom tej qhov kev sib daj sib deev ntawd. Qhov tsis meej pem los sis feeb tsis meej no tshwm sim thaum uas tus neeg ntawd feeb tsis meej lawm los sis tsaug zog lawm, raug muab txhom tuav los sis khi es nws nti tsis taus lawm, los sis thaum uas wb tsis muaj peev xwm yuav muab qhov kev pom zoo tso cai ntawd tau lawm. Nyob ntawm seb tus neeg ntawd qhov kev qaug dej qaug cawv los sis qaug yeeb qaug tshuaj ntawd ho muaj ntau npaum li cas, yog tias nws qaug cawv, qaug yeeb qaug tshuaj, los sis qaug lwm yam khoom qaug lawm ces nws yeej tsis meej pem los sis feeb tsis meej lawm, ces nws tsis muaj cuab kav yuav muab nws qhov kev pom zoo tso cai ntawd rau lwm tus neeg tau lawm.

Ib tug neeg twg yuav muab tsis tau nws qhov kev pom zoo tso cai rau leej twg li yog hais tias nws raug yuav yam nws tsis txaus siab ua li, raug hem, raug quab yuam, los sis raug hem hais tias nws yuav ntsib kev phom sij yog nws tsis ua li ntawd.

Thaum uas tus neeg ntawd tau tshem nws qhov kev pom zoo tso cai tawm lawm los sis tsis muaj cuab kav muab qhov kev pom zoo tso cai ntawd lawm, qhov kev sib daj sib deev ntawd yuav tsum raug tso tseg tam sim ntawd.

## **Kev Zam Txim los ntawm tej Kev Ua Txhaum rau Kev Haus Yeeb Haus Tshuaj thiab Haus Dej Haus Cawv**

Kev noj qab haus huv thiab kev nyab xeeb ntawm txhua txhua tus tub ntxhais kawm ntawv ntawm Rockland Community College yog qhov tseem ceeb tshaj plaws. RCC pom tau hais tias tej zaum cov tub ntxhais kawm ntawv uas tau haus dej haus cawv los sis siv yeeb siv tshuaj (tsis hais nws tuaj yeem siv los sisv haus nws los yog raug lwm tus yuam kom siv los sis yaus li) rau lub sij hawm uas nws raug teeb meem kev phom sij los sis kev tsim txom, xws li raug nws tus txwj nkawm ntaus los yog ua phem rau, raug tus neeg nws tham ntaus los sis ua phem rau, raug lwm tus soj caum, los sis raug lwm tus mob quab yuam deev, yuav tsis tshua kam qhia rau tsev kawv cov neej tswj xyuas txog tej teeb meem ntawm vim lawv ntshai hais tias tsam lawv ho raug teeb meem rau tej yam kev ua txhaum cai uas lawv tau ua ntawd. RCC xav hais kom cov tub ntxhais kawm ntawv yuav tsum hais qhia rau cov kws saib xyuas tsev kawm ntawv txog tej teeb meem xws li kev raug yus tus txwj nkawm ntaus, raug yus hluas nkauj los sis hluas nraug ntaus, muaj neeg soj nyas yus, los yog muaj neeg quab yuam yus deev. Ib tug neeg nyob ntawm tej uas tau paub thiab pom los sis ib tug neeg uas ua siab dawb paug hais qhia cov kws saib xyuas tsev kawm ntawv qib siab RCC los yog tub ceev xwm txog tej teeb meem xws li kev raug yus tus txwj nkawm ntaus yus), rai tej hluas nkauj hluas nraug uas yus tham ntaus, kev raug lwm tus neeg soj nyas, los yog kev raug lwm tus neeg quab yuam yus deev ntawd, yuav tsis raug rau txim raws li RCC's cov kev cai khoo txog ua txhaum rau tej kev haus dej haus cawv thiab/los sis siv yeeb siv tshuaj, rau lub sij hawm los yog ze rau thaum uas qhov teeb meem kev raug yus tus txwj nkawm ntaus, kev raug tus hluas nkauj los yog hluas nraug uas yus tham ntawd ntaus, kev raug lwm tus neeg soj nyas, los sis kev raug lwm tus neeg quab yuam mos deev ntawd tshwm sim.

## **Cov Tub Ntxhais Kawm Ntawv Tej Cai**

Txhua txhua tus tub ntxhais kawm ntawv muaj cai xws li:

Hais qhia tej tub ceev xwm hauv zej zog thiab/los sis tub ceev xwm hauv lub xeev txog tej teeb meem;

Hais kom muab lawv tej teeb meem xws li kev raug tus txwj nkawm ntaus, kev raug tej hluas nkauj hluas nraug ntaus, kev raug lwm tus neeg soj nyas, thiab kev raug lwm tus neeg quab yuam mos deev coj los taug kom meej tseeb tiag tiag;

Txiav txiv siab hais tias seb puas tsim nyog yuav qhia los tsis qhia txog ib qho kev ua txhaum kev cai lij choj los yog kev ua txhaum lwm yam cai thiab koom nrog tej kev taug xyuas kev ncaj ncees los yog lwm yam kev taug tshawb nrhiav qhov tseeb, thiab/los sis kev taug nrhiav kev ncaj ncees raws li kev cai lij choj yam uas tsis muaj kev nias yuam los ntawm lub tsev kawm ntawv;

Koom rau qhov kev taug xyuas uas muaj kev ncaj ncees, yam tsis tuaj leej twg tog, thiab kom muaj kev ceeb toom kom txaus thiab muaj cib fim zoo los mloog tej lus uas lawv hais;

Kom tau txais kev saib taus thiab tau txais kev pab kho mob thiab kev sib tham daws kev nyuaj siab los ntawm lub tsev kawm ntawv uas muaj kev hais lus zoo, kev ncaj ncees thiab kev saib taus, yog tias muaj tej kev pab cuam ntawd;

Kom tsis txhob tau txais tej lus qhia hais tias tej teeb meem kev ua txhaum kev cai lij choj los sis txhaum lwm yam kev cai ntawd yog tim tus neeg uas hais qhia txog tej teeb meem ntawd, los yog nws tsim nyog

yuav tsum txhob ua li tej yam uas nws tau ua ntawd es nws thiaj li tsis raug tej teeb meem kev ua txhaum kev cai lij choj los sis txhaum lwm yam cai ntawd;

Kom tsis txhob tau piav qhia txog qhov teeb meem ntawd rau coob coob tus neeg sawv cev tsev kawm ntawv thiab kom tsis txhob raug yuam kom rov qab piav qhia txog qhov teeb meem ntawd ib zaug tas ib zaug tuaj thiab yam tsis tsim nyog hlo li.

Kom tau txais kev tiv thaiv kom txhob raug tsev kawm ntawv, lwm tus tub ntxhais kawm ntawv, tus neeg raug liam tias tau tsim qhov teeb meem ntawd, thiab/los sis tus neeg uas teb cov teeb meem ntawd, thiab/los sis lawv cov phooj ywg, lawv tsev neeg thiab lawv cov neeg sib paub, uas tsev kawm ntawv muaj feem khoo xyuas txog ntawd, ua tej yam phem dab tsi los pauj kev chim siab;

Muaj kev foob tsis txaus siab ntxiv mus rau qib siab dua yam tsawg kawg ib zaug kom rov muab tej teeb meem ntawd los taug xyuas dua tshiab;

Kom muaj ib tug neeg sab laj uas nws nyiam los mus pab thiab muab kev sab laj rau tus neeg uas hais qhia txog qhov teeb meem ntawd, tus uas raug liam hais tias tsim qhov teeb meem ntawd, tus uas tuaj teb tej teeb meem ntawd, kom tag nrho thoob plaws qhov kev taug txog kev ncaj ncees xws li txhua txhua lub rooj sib tham thiab txhua txhua qhov kev sib hais txog qhov kev tau tej teeb meem ntawd;

Ua tau txhua yam raws txoj cai uas nws muaj li ib tug pej xeem thiab teev hawm kev ntseeg yam tsis muaj kev cuam tshuam los ntawd tsev kawm ntawv tej kev taug ntsiab lus qhov tseeb, taug kev ncaj ncees thiab taug kev cai lij choj thiab lwm yam kev cai.

Txhua txhua yam cai no yeej muaj sib luag zos tsis hais tus neeg ntawd yog haiv neeg twg, cev nqaij daim tawv yog xim dab tsi, tuaj lub teb chaws twg tuaj, ntseeg kev cai dab tsi, siv qhov kev teev hawm kev ntseeg li cas, hnuv nyoog laus los hluas, yog poj niam los txiv neej, nws hais thiab hnav ris tsho zoo li poj niam los txiv neej, nyiam poj niam los txiv neej, muaj cuab muaj yig los tsis muaj, cev xeeb tub los tsis xeeb, nws yeeb yam lub cev qhia hais tias nws yog tus neeg zoo li cas, ua tub rog los tsis ua, yog ib tug neeg uas tau raug tus txwj nkawm ntaus dua los lawm, los sis yog ib tug neeg uas tau raug txim dua los lawm, thiab tsis hais qhov teeb meem kev ua txhaum kev cai lij choj los yog lwm yam kev cai ntawd yuav tshwm sim nyob rau hauv tsev kawm ntawv los yog nyob sab nraud, los sis nyob rau lub sij hawm ua mus kawm ntawv txawv teb chaws.

Koj muaj cai xaiv tau hais tias koj yuav hais qhia los tsis hais qhia tej teeb meem ntawd rau cov tub ceev xwm hauv tsev kawm ntawv, cov neeg saib xyuas kev ruaj ntseg hauv tsev kawm ntawv, cov tub ceev xwm hauv zej zog, thiab/los sis cov tub ceev xwm hauv lub xeev, hais qhia rau tsev kawm ntawv; thiab tau txais kev tiv thaiv los ntawm tsev kawm ntawv kom tsis txhob raug teeb meem pauj kev chim siab vim rau qhov uas koj qhia txog qhov teeb meem ntawd, thiab tau txais kev pab cuam thiab lwm yam kev pab los ntawm koj lub tsev kawm ntawv.